



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

CONVENIO ENTRE O MINISTERIO DE DEFENSA E A XUNTA DE GALICIA, A TRAVÉS DA CONSELLERÍA DO MEDIO RURAL, PARA A PREVENCIÓN DE INCENDIOS FORESTAIS EN GALICIA DURANTE A CAMPAÑA DE 2024.

Santiago de Compostela, 10 de xullo de 2024

REUNIDOS:

Dunha parte, don, Director Xeral de Política de Defensa, por nomeamento efectuado segundo o Real decreto 232/2023, do 28 de marzo, en nome e representación do Ministerio de Defensa, por delegación de sinatura expresa da Sra. Ministra para este acto.

Doutra parte, dona, Conselleira do Medio Rural da Xunta de Galicia, por nomeamento efectuado segundo o Decreto 44/2024, do 14 de abril, actuando en nome e representación desta en virtude das facultades atribuídas na Lei da Comunidade Autónoma de Galicia 1/1983, do 22 de febreiro, reguladora da Xunta e da súa Presidencia.

Ambas as partes, na representación que ostentan, recoñécense mutua capacidade para obrigarse e convir e

EXPOÑEN:

Primeiro.

Que o Ministerio de Defensa é o Departamento encargado da Administración Xeral do Estado ao que lle corresponde a preparación, o desenvolvemento e a execución da política de Defensa determinada polo Goberno e a xestión da administración militar, segundo o establecido no artigo 1 do Real Decreto 205/2024, de 27 de febrero, polo que se desenvolve a estrutura orgánica básica do Ministerio de Defensa.

Segundo.

Que de conformidade co artigo 37.1 da Lei 17/2015, do 9 de xullo, do Sistema Nacional de Protección Civil, as Forzas Armadas participan no Sistema Nacional de Protección Civil que asegura a coordinación, a cohesión e a eficacia das políticas públicas de protección civil que, como instrumento da política de seguridade pública, é o servizo público que protexe ás persoas e bens garantindo unha resposta axeitada diante dos distintos tipos de emerxencias e catástrofes orixinadas por causas naturais ou derivadas da acción humana, sexa ésta accidental ou intencionada.



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

Terceiro.

Que o artigo 15.3 da Lei orgánica 5/2005, do 17 de novembro, da Defensa Nacional impón ás Forzas Armadas, xunto coas Institucións do Estado e as Administracións públicas, o deber de preservar a seguridade e benestar dos cidadáns nos supostos de grave risco, catástrofe e calamidade, así como cando se presenten outras necesidades públicas, conforme ao establecido na lexislación vixente.

Cuarto.

Que o Decreto 42/2024, de 14 de abril, establece a estrutura orgánica da Xunta de Galicia e nela intégrase a Consellería do Medio Rural. O Decreto 223/2022, do 22 de decembro, establece a estrutura orgánica da Consellería do Medio Rural. Esta Consellería é o órgano da Administración galega ao que, baixo a superior dirección da persoa titular desta, lle corresponde propor e executar as directrices xerais da Xunta de Galicia no ámbito rural, que engloba as competencias en materia de agricultura, gandería, desenvolvemento rural e ordenación comarcal, estruturas rurais, industrias alimentarias, montes, prevención e defensa dos incendios forestais, segundo as competencias atribuídas á Comunidade Autónoma nos artigos 27.10 e 11 do Estatuto de Autonomía de Galicia e demais normativa de aplicación. Entre as funcións atribuídas atópase a coordinación dos medios necesarios para acadar o dito obxectivo.

Quinto.

Que para que as Forzas Armadas colaboren coa Xunta de Galicia, con fins de prevención de incendios forestais, resulta necesaria a elaboración dun documento específico que reflicta os compromisos contraídos por ambas as partes, tanto no referente aos aspectos operativos como aos financeiros.

Polo exposto, as partes acordan subscribir o presente convenio que se rexirá polas seguintes



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

CLÁUSULAS:

Primeira. *Obxecto.*

Constitúe o obxecto deste convenio a colaboración do Ministerio de Defensa coa Xunta de Galicia, a través da Consellería do Medio Rural, co fin de previr incendios forestais no territorio de Galicia. Esta colaboración consistirá na despregadura operativa de patrullas terrestres, con misión de vixilancia e disuasión.

Segunda. *Obrigacións das partes.*

1. O Ministerio de Defensa comprométese á despregadura operativa de patrullas terrestres, e no seu caso, outras capacidades, con misión de vixilancia e disuasión segundo as seguintes condicións:

a) O período de activación será do 15 de agosto ao 30 de setembro ámbolos dous inclusive. Con anterioridade ao inicio deste período de activación levarase a cabo a fase de recoñecemento. Durante esta fase, ambas as partes establecerán os contactos necesarios e intercambiarán a información máis conveniente para un eficaz planeamento da operación.

No caso de que a subscripción e eficacia deste convenio se produza con posterioridade ao 15 de agosto, as actuacións iniciaranse dende a súa data de inscrición no Rexistro Electrónico estatal de Órganos e Instrumentos de Cooperación do sector público estatal.

b) As zonas de vixilancia e actuación preferente das patrullas terrestres serán inicialmente as que se detallan no anexo I. A Comisión de Seguimento poderá modificalas e variar o esforzo das patrullas en cada zona para adaptarse á valoración do risco.

c) As Forzas Armadas articularán os postos de mando necesarios para exercer o mando e control das patrullas terrestres e demais capacidades, e destacarán oficiais de enlace aos distintos comités e centros de coordinación que se constitúan, nos que sexa requirida a súa presenza.

2. A Xunta de Galicia comprométese a:

a) Dotar a cada patrulla terrestre dun dispositivo GPS axeitado coa correspondente cartografía dixital actualizada, apta para o desprazamento por terreo forestal.

b) Satisfacer o importe dos gastos que se produzan segundo o establecido na cláusula cuarta.



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

Terceira. Entidade da despregadura.

A activación conlevará a despregadura de 30 patrullas terrestres, 2 equipos de mantemento móbil (un do Exército de Terra e outro da Armada), e a posibilidade de despregadura de capacidades de vixilancia RPAS (vehículos aéreos non tripulados).

Cando a evolución dos acontecementos permita prever unha situación de risco superior ou requira unha prórroga do periodo de activación, poderánse empregar máis recursos ou capacidades das Forzas Armadas, co correspondente aumento de financiación, seguindo o procedemento establecido para a modificación do convenio na cláusula undécima.

Cuarta. Financiamento e forma de pagamento.

A subscrición deste convenio non conleva ningunha obriga nin compromiso económico para o Ministerio de Defensa.

A Xunta de Galicia comprométese a satisfacer o importe dos gastos que se produzan con motivo desta colaboración das Forzas Armadas, segundo os parámetros de cálculo que se expresan no anexo II.

1. Para esta colaboración estímase un orzamento global de catrocentos sesenta e nove mil seiscientos catro euros con corenta e un céntimos (469.604,41 €) para o recoñecemento, despregadura, actividade operativa e relevos de unidades das Forzas. Estes gastos aboaránse con cargo á aplicación 45.02.551B 601.1 2002 15860.

2. Procedemento de compensación e xustificación de gasto. O libramento das cantidades ao Exército de Terra e a Armada farase da seguinte forma:

a) Un 65% do importe unha vez que o convenio sexa eficaz, que se xustificará con memoria asinada polo órgano competente en cada caso e que a Dirección Xeral de Política de Defensa trasladará á Xunta de Galicia antes do día 24 de agosto.

b) Rematada a campaña, e antes do día 15 de outubro do 2024, a Dirección Xeral de Política de Defensa remitirá os certificados de gastos correspondentes ao resto do libramento, cuxo importe sumado ao 65% anterior non superará para cada terceiro as cantidades consignadas no seguinte cadro:



Terceiro	Concepto	Importe parcial
Exército de Terra (318.239,91€)	Indemnizacións	127.737,79€
	Incentivos ao rendemento	155.105,12€
	Mantemento e recuperación	35.397,00€
Armada (69.044,50€)	Indemnizacións	25.832,40€
	Incentivos ao rendemento	31.869,90€
	Mantemento e recuperación	11.342,20€
Consumo de combustible		82.320,00€
TOTAL		469.604,41 €

Os certificados e memorias irán asinados dixitalmente polo órgano competente en cada caso, desagregarán os importes de gastos correspondentes a indemnizacións, incentivos ao rendemento e mantemento e recuperación e sinalarán para cada un deles a conta restrinxida onde a Xunta de Galicia ingresará o importe indicado.

Unha vez producida a eficacia do convenio coa súa inscrición no Rexistro Electrónico Estatal de Órganos e Instrumentos de Cooperación do sector público estatal, a Xunta de Galicia arbitrará os procedementos para asumir e sufragar directamente os gastos de combustible. Para o pagamento dos gastos de carburante, o Xefe da Forza emitirá un certificado validando o consumo de combustible para que a Dirección Xeral de Política de Defensa poida remitilo á Xunta de Galicia antes do 15 de outubro do 2024.

Quinta. Responsabilidades patrimoniais.

A Xunta de Galicia farase cargo das responsabilidades patrimoniais por danos a terceiros orixinadas polas Forzas Armadas como consecuencia da execución normal das actividades establecidas no presente convenio, ou os derivados das circunstancias involuntarias e inevitables agás caso de forza maior.

Sexta. Política informativa.



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

En coordinación coa Xunta de Galicia, o Ministerio de Defensa seguirá unha política informativa activa co obxecto de dar a coñecer á poboación a existencia dunha despregadura militar coa misión de previr os incendios forestais na Comunidade Autónoma de Galicia. Para coordinar con eficacia esta política informativa, a petición de calquera das partes, poderanse convocar cantas reunións se estimen necesarias. Esta política informativa redundará en beneficio do cumprimento da misión.

Sétima. Linguas oficiais.

De conformidade co estipulado na Orde Ministerial 35/1987, do 17 de xuño, pola que se regula o uso das linguas oficiais das Comunidades Autónomas na Administración Militar, en todas as comunicacións oficiais, tanto verbais como escritas, que vaian dirixidas ás Forzas Armadas involucradas nesta colaboración e que teñan relación co servizo, empregárase sempre o castelán.

No caso de discrepancia lingüística entre versións do texto deste convenio, para a súa interpretación prevalecerá a súa versión en castelán.

Oitava. Medidas de seguimento, vixilancia e control.

Constituirase unha Comisión de Seguimento para a vixilancia e control na execución do convenio e dos compromisos adquiridos polos asinantes. Este mecanismo resolverá os problemas de interpretación e cumprimento que poidan formularse respecto deste convenio.

Estará formada polo director xeral de Defensa do Monte e o subdirector xeral de Extinción, por parte da Consellería do Medio Rural, e polo subdirector xeral de Cooperación e Defensa Civil da Dirección Xeral de Política de Defensa e un representante do Estado Maior da Defensa, por parte do Ministerio de Defensa.

A Comisión de Seguimento reunirse tantas veces como sexa necesario, a requirimento de calquera das partes. As decisións tentarase adoptar por unanimidade e, no seu defecto, de maneira consensuada atendendo ao obxecto do convenio e á defensa do interese xeral.

O funcionamento da Comisión rexirase, en todo o non previsto neste convenio, polo disposto para os órganos colexiados na Lei 40/2015, do 1 de outubro, de réxime xurídico do sector público, e a Lei 39/2015, do 1 de outubro, do procedemento Administrativo Común das Administracións Públicas.



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

Novena. *Consecuencias aplicables no caso de incumplimento.*

No caso de que o pagamento das obrigacións económicas asumidas pola Xunta de Galicia, estipuladas na cláusula cuarta, non se fixesen efectivas no prazo dos tres meses seguintes ao día do recoñecemento da obriga, o Ministerio de Defensa terá dereito ao abono dos correspondentes xuros de mora sobre a cantidade debida ao tipo establecido na Lei 31/2022, do 23 de decembro, de Orzamentos Xerais do Estado para o ano 2023, sempre que se reclame por escrito o cumprimento da obriga, tal e como establece o artigo 26 do texto refundido da Lei de Réxime Financeiro e Orzamentario de Galicia, aprobado por Decreto Legislativo 1/1999, do 7 de outubro.

O citado prazo comezará a contar desde que a Xunta reciba do Ministerio de Defensa a documentación xustificativa para a tramitación do pagamento no correo electrónico extincionincendios.medio-rural@xunta.gal.

No caso de incumplimento das condicións de execución asumidas polo Ministerio de Defensa na cláusula segunda sen que mediase causa de forza maior, descontaranse proporcionalmente as cantidades establecidas segundo os parámetros de cálculo establecidos no anexo II.

Décima. *Vixencia.*

Conforme o establecido no artigo 48.8 da Lei 40/2015, do 1 de outubro, o convenio perfeccionarase pola prestación do consentimento das partes e resultará eficaz unha vez rexistrado, no prazo de cinco días hábiles desde a súa formalización, no Rexistro Electrónico estatal de Órganos e Instrumentos de Cooperación do sector público estatal. Así mesmo, publicarase no «Boletín Oficial do Estado» no prazo de dez días hábiles desde a súa formalización, sen prexuízo da súa publicación facultativa no Diario Oficial de Galicia, finalizando a súa vixencia o 15 de outubro de 2024 e podendo prorrogarse mediante addenda ata o 31 de decembro de 2024 por acordo subscrito entre as partes.

Undécima. *Modificación do convenio*

Este convenio poderá ser modificado, mediante addenda, a proposta da Comisión de Seguimento, por acordo de ambas as partes.

Para a sinatura desta addenda seguiranse os trámites preceptivos do artigo 50 da Lei 40/2015, do 1 de outubro, de Réxime Xurídico do Sector Público, e en todo caso, será precisa a autorización previa do Ministerio de Facenda e Función Pública.



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

Duodécima. *Causas de extinción e de resolución.*

Este convenio extinguirase polo cumprimento das actuacións que constitúen o seu obxecto ou por incorrer nas causas de resolución establecidas no artigo 51.2 da Lei 40/2015, do 1 de outubro, de Réxime Xurídico do Sector Público.

Decimoterceira. *Natureza administrativa e xurisdición competente.*

O presente convenio ten natureza administrativa, segundo o disposto no Capítulo VI do título preliminar da Lei 40/2015, do 1 de outubro, de Réxime Xurídico do Sector Público.

As cuestións litixiosas que xurdan entre as partes durante o seu desenvolvemento e execución e non poidan ser resoltas no seo da Comisión de Seguimento prevista na cláusula oitava, someteranse á xurisdición contencioso-administrativa, segundo o disposto na Lei 29/1998, do 13 de xullo, reguladora da Xurisdicción Contencioso-administrativa.

En materia orzamentaria, económica e financeira atenderase ao contido da Lei 47/2003, do 26 de novembro, Xeral Orzamentaria e do Decreto legislativo 1/1999, do 7 de outubro, polo que se aproba o texto refundido da Lei de Réxime Financeiro e Orzamentario de Galicia.

Decimocuarta. *Transparencia.*

Este convenio será publicado no Portal de Transparencia e Goberno Aberto e no rexistro de convenios da Xunta de Galicia, segundo o establecido no artigo 15 da Lei 1/2016, do 18 de xaneiro, da transparencia e bo goberno, no Decreto 126/2006, do 20 de xullo, polo que se regula o Rexistro de convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

E en proba de conformidade de canto antecede, asinan o presente convenio, na data da sinatura electrónica.

POLO MINISTERIO DE DEFENSA

POLA XUNTA DE GALICIA

O DIRECTOR XERAL DE POLÍTICA DE
DEFENSA

A CONSELLEIRA DO MEDIO RURAL



ANEXO I

Zonas de vixilancia

Patrullas terrestres

PROVINCIA	DISTRITO	CONCELLO	PATRULLAS	
A CORUÑA	IV Barbanza	Outes	5	
		Noia		
		Porto do Son		
		Ribeira		
		A Pobra do Caramiñal		
		Boiro		
		Lousame		
	V Fisterra	Carnota		
		Muros		
PONTEVEDRA	XVII O Condado- Paradanta	Mondariz	5	11
		Mondariz-Balneario		
		Ponteareas		
		Salvaterra do Miño		
		Covelo		
		As Neves		
		Arbo		
		A Cañiza		
		Crecente		
OURENSE	XI O Ribeiro- Arenteiro	Melón	6	14
	XV A Limia	Lobios		
		Muíños		
		Calvos de Randín		
		Baltar		
		Cualedro		
	XIII Valdeorras- Trives	Chandrexa de Queixa	5	
		Manzaneda		
		Pobra de Trives (Parroquias de: Cova, Encomenda, Pareisás, Sobrado, San Lourenzo de Trives, San Mamede de Trives e Vilanova)		
	XIV Verín- Viana	Vilariño de Conso	4	
		Laza (Parroquia de Camba)		
		Viana do Bolo (Parroquias de: Grixoa e de Vilarmeao)		
		Viana do Bolo (excepto las parroquias da zona anterior)		
		A Gudiña		
	LUGO	VIII Terra de Lemos	A Mezquita	
			Folgoso do Courel	
Quiroga				
Ribas de Sil				
A Pobra de Brollón				
Monforte de Lemos				
Sober				



MINISTERIO
DE DEFENSA



XUNTA
DE GALICIA

CONSELLERÍA
DO MEDIO
RURAL

Nota: Habrá un máximo de 30 patrullas terrestres despregadas segundo as marxes numéricas que se detallan por zona neste anexo, máis dous equipos de mantemento móbil. En calquera caso, poderán ser modificadas as marxes sinaladas de común acordo entre as partes, en función das necesidades operativas, variando os límites de nº de patrullas en cada zona (con 30 patrullas máximo) para adaptarse ás distintas situacións que se poidan producir no transcurso do período de vixencia deste convenio.

ANEXO II

Financiamento

1. Parámetros de Cálculo.

Para os efectos de cálculo tivéronse en conta os seguintes parámetros:

Dieta Grupo 2 (oficiais e suboficiais): 103,37 €/día.

Dieta Grupo 3 (marinería e tropa): 77,13 €/día.

Gasto de persoal Grupo 2: Ata 83,63 €/día. Para os efectos formais de abono por parte do Ministerio de Defensa, este importe desagregarase en concepto de manutención (37,40 €/día) e incentivos ao rendemento.

Gasto de persoal Grupo 3: Hasta 62,37 €/día. Para os efectos formais de abono por parte do Ministerio de Defensa, este importe desagregarase en concepto de manutención (28,21 €/día) e incentivos ao rendemento.

Gasto medio de locomoción, recuperación e mantemento preventivo e correctivo dun vehículo: 30 €/día.

Gasto medio de combustible dun vehículo: 54 €/día.